

يجدي الهادي لا تترك احبابك مصايينا تبدي من مصابك

**

جليلة و توها في بادي عمرها
بدت أول علامة من كدرها
تجر انفاس من فايض صبرها
واجت تفضي حزنها يم جنابك

*

يحمود بصافاتك يا مؤيد
اجت يمك تنادي: يا محمد
على بابك كصدتك يا مسدد
ياوسع باب للرحمن بابك

*

أني زينب ابنتك يا سنادي
على امصابك تفر لي فؤادي
نبض ليك الكلب بحساس صادي
يبو الزهرا دسمعني جوابك

*

يخير الناس يا أغلى الحبايب
رحيلك يفتح اعلينا المصاييب
تجور اعلينا يا طه النواصب
عداك اتصير من كانت صحابك

*

وداعك يوفد آلام و مكاييد
على احساسى غزت أفجع مشاهد
تشيب الراس منها النوح زايد
عليك و ما يوفى بنتدابك *

كأنه امصاب امي الزهرا لايح
واشوف المحسن بلعتاب طايح
نزف دمه على القرآن سايح
توّن آيات لجله في كتابك *

اشوف الهامة بدموم الأبو تفور
تيتمني و فؤادي يصفى مكسور
تضل عيني على بو محمد تدور
سهام الجور مالت على اصلابك *

ابو محمد اشوف بطشته چبده
نثرها و انتثر يا ويلي وجده
مصاب احسين ليّه ايلوح بعده
مصاب البيه ينبع كل عذابك *

اخويه حسين منك و انتة منه
الم فرگاك بفرآگه ایلچمنه
علینا یعود یا جدي ألمنه
في وگعة كربلا ینزف صوابك
*

وداعك یفتح ابواب الهضیمة
یبویه و اصبح بصغري یتیمه
غریبة أسمع بأذني (الظلیمة)
و كأنها بالدماء لاحت ثيابك
*

رحيلك یرسم ابعيني الاسیه
ودیعة و چن بیسروني سبیه
كأني اوگف ابمجلس دعیه
و اشوف یفور راسك من خضابك!
*

یوجه الخالق ابگی و لا تغادر
مهو مناسب جمالک بالمقابر
یمیل الدین رکنه یصفي حایر
بعد عینك اذا ترفد تراپك
*

ابو ابراهیم دار اعیونه لیها
مسح بچفوفه دمعات اللی بیها
جذب حسرة گبل موته علیها:
یخدر الهاشمية و یا اغترابك